

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Sl. novine Federacije BiH“, broj:34/03), člana 34. i 35. Pravila JU Centra za socijalni rad Tešanj, Upravni odbor JU Centra za socijalni rad Tešanj na sjednici održanoj dana 22.03.2013.godine, donosi Odluku o raspisivanju

K O N K U R S A

za izbor i imenovanje direktora JU Centra za socijalni rad Tešanj

Objavlju se konkurs za izbor i imenovanje direktora JU Centra za socijalni rad Tešanj, na period od 4 (četiri) godine.

1. Direktor Centra za socijalni rad Tešanj, vrši slijedeće poslove :

- organizuje i rukovodi radom Centra,
- zastupa i predstavlja Centar prema trećim licima i odgovoran je za zakonitost rada Centra,
- predlaže Upravnom odboru mjere za efikasno i zakonito obavljanje djelatnosti radi kojih je Centar osnovan,
- predlaže unutrašnju organizaciju i sistematizaciju poslova i osnove planova rada i razvoja,
- izvršava Odluke Upravnog odbora,
- odlučuje o pravima, obavezama i odgovornostima radnika iz radnog odnosa,
- podnosi Upravnom odboru izvještaj o finansijskom poslovanju,
- vrši druge poslove u skladu sa Zakonom i Pravilima Centra.

2. Uvjeti za imenovanje direktora

Opći uvjeti :

- da je državljanin BiH,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u BiH u periodu od tri godine od dana objavljivanja oglasa,
- da se na njega ne odnosi član IX.1. Ustava BiH,
- da ispunjava uvjete predviđene Zakonom o sukobu interesa u institucijama vlasti BiH („Službeni glasnik BiH“ broj:13/02)

Posebni uvjeti :

- da ima visoku stručnu spremu VII stepen, smjera: dipl.socijalni radnik, dipl. pravnik i drugi kadrovi sa završenim fakultetom društvenog smjera,
- pet godina radnog iskustva u struci.

3. Uz prijavu za konkurs, kandidat je dužan priložiti :

- kraću biografiju, adresu i kontakt telefon,
- dokaze o ispunjavanju uvjeta traženih konkursom :
 - a) diplomu o završenom školovanju,
 - b) uvjerenje o radnom iskustvu,
 - c) uvjerenje o državljanstvu, ne starije od 6 mjeseci,
 - d) uvjerenje o ne vođenju krivičnog postupka, ne starije od 3 mjeseca,
 - e) ovjerena izjava da nije otpušten iz službe kao rezultat disciplinske mjere u periodu od 3 godine prije objavljivanja konkursa,
 - f) ovjerena izjava da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava BiH).

Svi kandidati koji ispunjavaju uslove iz konkursa bit će pozvani na intervju.

Konkurs ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“ i dnevnom listu „Oslobođenje“.

Prijave na konkurs sa traženom dokumentacijom kandidati mogu dostaviti lično ili putem pošte na adresu: JU Centar za socijalni rad Tešanj, ul.Kralja Tvrtka bb, 74260 Tešanj, sa naznakom : „Prijava na konkurs – ne otvarati“.

Neblagovremene i nepotpune prijave neće se uzeti u razmatranje.

UPRAVNI ODBOR JU CENTRA ZA SOCIJALNI RAD
TEŠANJ